

Edizione diplomatico-interpretativa

I.

Iai nuls hons pris ne dirait sa raixon adroitemment sensi com dolans non. maix per confort puet il faire chanson. moult ai damis maix poure sont li don. honte en auront se por ma reanson. seuces .ij. iuers pris.

Iai nuls hons pris ne dirait sa raixon adroitemment, s'ensi com dolan non, maix per confort puet il faire chanson. Moult ai d'amis, maix povre sont li don, honte en auront se, por ma reanson, seuces ces dos ivers pris.

II.

Se seiuent bien mi home (et) mi baron. inglois normant poiteuin et gascon. ke ie nauoie si poure compaignon. ke ie laissaise por auoir en prixon. ie nel di pais por nulle retraiisson. maix emcor seuex ie pris.

Se seiivent bien mi home et mi baron, inglois, normant, poitevin et gascon, ke je n'avoie si povre compaignon ke je laissaise, por avoir, en prixon, Je nel di pais por nulle retraiisson, maix emcor seuex je pris.

III.

OR sai ie bien de uoir

certai(n)ement. ke mors ne pris nait amin ne parent. q(a)nt on me lait por or ne por airgent. m(ou)lt mest de moy maix plux mest de ma gent capres ma mort auront reproche grant. se longuement seuex pris.

Or sai je bien de voir certainnement ke mors ne pris n'ait amin ne parent, quant on me lait por or ne por airgent. Moult m'est de moy, maix plux m'est de ma gent, c'apres ma mort auront reproche grant se longuement seuex pris.

IV.

Nest pais meruelle se iai

lou cuer dolent. q(a)nt mes sires tient materre entorment. sor li menbroit de nostre sairement. ke nos feimes anduj co(m)munement. bien sai deuoir ke sea(n)s longuement. ne seroie pais pris.

N'est pais merveille se j'ai lou cuer dolent,
quant mes sires tient ma terre en torment,
s'or li menbroit de nostre sairement,
ke nos feimes anduj communement,
bien sai de voir ke seans longuement
ne seroie pais pris.

V.

Se seiuent bien angeuin (et) torain. cil baiche
leir ki or sont riche (et) sain. kencombeis seu loing deans en autrui mains.
forment mamoint maix or ne mai(n)me grain. de belles airmes sont ores ueut
li plain. por tant ke ie seu pris.

Se seivent bien angevin et torain,
cil baicheleir ki or sont riche et sain,
k'encombeis seu loing deans en autrui mains;
forment m'amoient maix or ne m'ainme grain.
De belles amnes sont ores veut li plain,
por tant ke je seu pris.

VI.

Mes compaignons cui iamoie et cui iain. cealz
de caheu (et) ceaulz de percheraim. me di chanson kil ne sont pais certain. nonkes
uers eaus no le cuer fauls ne uain. sil me gueroient il font m(ou)lt ke vilain. por
tant ke ie seu pris.

Mes compaignons, cui j'amoie et cui j'ain,
cealz de Caheu et ceaulz de Percheraim,
me di, Chanson, k'il ne sont pais certain.
Nonkes vers eaus no le cuer fauls ne vain,
s'il me gueroient il font moult ke vilain,
por tant ke je seu pris.

VII.

Contesse suer uostre pris souerain. uos sault (et) gairt
cil acui ie me clain (et) per cui ie seu pris.

Contesse suer, vostre pris soverain,
vos sault et gairt cil a cui je me clain
et per cui je seu pris.

VIII.

ie ne dipais de celi de chairtain. la

meire loweis.

Je ne di pais de celi de Chairtain,
la meire Loweis.

- letto 496 volte